



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԳՆ ՈՍՏԻԿԱՆՈՒԹՅԱՆ  
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ.010512953, Էլ. փոստ patrol-service@police.am

N 9/12243

< 12 > 06 2023թ.

**Անահիտ Արմանի Սիմոնյանին  
Հասցե՝ ք.Երևան, Մաշտոցի պող.422,26բն.**

Ուղարկվում է ՀՀ ՆԳՆ ոստիկանության պարեկային ծառայության վարչական բոլորքների քննության բաժանմունքում վերադասության կարգով վերանայման արդյունքում կայացված թիվ 8300421719 որոշումն անվավեր ճանաչելու մասին որոշման օրինակը:

Առդիր՝ <<2>> թերթից:

**Հարգանքով՝**

**Պեպի պարտականությունների ժամանակավոր  
կատարող, ոստիկանության գնդապետ՝**

**Ա. Մաթևոսյան**

Կատարող՝ Գ. Կիրակոսյան

## Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 01.02.2023 թ.-ին կայացված թիվ 8300421719 որոշումն անվավեր ճանաչելու մասին

09.06.2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա. Մաթևոսյանս, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածով, վերանայելով 01.02.2023թ. կայացված թիվ 8300421719 որոշումը,

## Պ Ա Ր Զ Ե Ց Ի

2023 թվականի մայիսի 30-ին ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում ստացվել է Երևան քաղաքի գնդի 2-րդ գումարտակի հրամանատարի տեղակալ, ոստիկանության մայոր Դավիթ Նիկողոսյանի գեկուցագիրն այն մասին, որ նույն գումարտակի 2-րդ վաշտի ավագ պարեկ Աշոտ Ստեփանյանը քաղաքացի Անահիտ Արմանի Սիմոնյանի կողմից 01.02.2023թ. ժամը 16:40-ին Երևան քաղաքի Մաշտոցի պողոտայում <<ՆԻՍՍԱՆ>> մականիշի 77 GA 700 հաշվառման համարանիշի տրանսպորտային միջոցը «Ճանապարհային երթևեկության անվտանգության ապահովման մասին» ՀՀ օրենքի 15-րդ հոդվածի պահանջները խախտելու, այն է՝ ՀՀ օրենսդրությամբ սահմանված կարգով տեխնիկական զննություն չանցած տրանսպորտային միջոց վարելու համար, կազմել է վարչական իրավախախտման վերաբերյալ արձանագրություն և «Վարչական իրավախախտումների վերաբերյալ» ՀՀ օրենսգրքի 123.4 հոդվածի 2-րդ մասի հատկանիշներով կայացրել թիվ 8300421719 որոշումը, սակայն հետագայում պարզել, որ նշված տրանսպորտային միջոցը անցել է սահմանված կարգով տեխնիկական զննություն 12.01.2022թ.-ին 2 (երկու) տարի ժամկետով, որը սակայն դյուրակիր համակարգչում առկա ծրագրով չի արտացոլվել:

Զեկուցագրում նշված հանգամանքները հաստատվել են վարչական իրավախախտման վերաբերյալ արձանագրության և զուգակցված թիվ 8300421719 որոշման, տրանսպորտային միջոցների տեխնիկական զննության միասնական շտեմարանի և ՃՈ Էլեկտրոնային ռեգիստրում առկա տվյալների ուսումնասիրությամբ, ըստ որոնց <<ՆԻՍՍԱՆ>> մականիշի 77 GA 700 հաշվառման համարանիշի, PI932790 տեխնիկական վկայագրով տրանսպորտային միջոցը տեխնիկական զննություն է անցել 12.01.2022թ.-ին 2 (երկու) տարի ժամկետով, այսինքն՝ վարչական իրավախախտման վերաբերյալ արձանագրության կազմման պահին՝ 01.02.2023թ.-ին նշված տրանսպորտային միջոցը եղել է տեխնիկական զննություն անցած:

<<Վարչական իրավախախտումների վերաբերյալ>> ՀՀ օրենսգրքի 247-րդ հոդվածը սահմանում է, որ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման՝ վարչական իրավախախտման դեպքի կամ կազմի բացակայության դեպքում:

<<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետի համաձայն՝ անվավեր է առ ոչինչ չհանդիսացող այն ոչ իրավաչափ վարչական ակտը, որն ընդունվել է օրենքի խախտմամբ, այդ թվում՝ օրենքի սխալ կիրառման կամ սխալ մեկնաբանման հետևանքով:

Նույն օրենքի 77-րդ հոդվածի 1-ին մասի <<ա>> կետը սահմանում է, որ 63-րդ հոդվածով սահմանված հիմքերը վարչական ակտի փոփոխման կամ բեկանման հիմքեր են:

<<Վարչարարության հիմունքների և վարչական վարույթի մասին>> ՀՀ օրենքի 67-րդ հոդվածի համաձայն՝ վարչական մարմնի ընդունած վարչական ակտի վերաբերյալ բողոքի բացակայության դեպքում այդպիսի ակտ ընդունած վարչական մարմնի վերադաս վարչական մարմինը (պաշտոնատար անձը), վերահսկողության կարգով և իր նախաձեռնությամբ, իրավունք ունի վերանայել ստորադաս վարչական մարմնի ընդունած վարչական ակտը:

Ելնելով վերոգրյալից և ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և 67-րդ հոդվածով՝

### **Ո Ր Ո Շ Ե Ց Ի**

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 01.02.2023թ. կայացված թիվ 8300421719 որոշումը ճանաչել անվավեր:

2. Որոշման օրինակն ուղարկել Անահիտ Արմանի Սիմոնյանին և ՀՀ ՆԳՆ ոստիկանության պարեկային ծառայության Երևան քաղաքի գունդ:

3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

**Պետի պարտականությունների ժամանակավոր**

**կատարող, ոստիկանության գնդապետ՝**

**Ա. Մաթևոսյան**